

mnes páriter in eódem loco, allelúja.

Ant. Spíritus Dómini * replévit orbem terrárum, allelúja.

Psalmus 99.

Jubiláte Deo, omnis terra: * servíte Dómino in lætítia.

Introíte in conspéctu ejus, * in exsultatióne.

Scitóte quóniam Dóminus ipse est Deus: * ipse fecit nos, et non ipsi nos.

Pópulus ejus, et oves pásuæ ejus: * introíte portas ejus in confessióne, átria ejus in hymnis: confítémini illi.

Laudáte nomen ejus: quóniam suávis est Dóminus, in ætérnum misericórdia ejus, * et usque in generatióne et generatióne véritas ejus.

Ant. Spíritus Dómini replévit orbem terrárum, allelúja.

Ant. Repléti sunt omnes Spíritu Sancto et cœperunt loqui, allelúja, allelúja.

Psalmus 62.

Deus Deus meus * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et in via, et in aquósa: * sic in sancto appáruí tibi, ut ví-

dérem virtútem tuam, et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedicam te in vita mea: * et in nómine tuo levábo manus meas.

Sicut ádipe et pinguedine repléatur ánima mea: * et lábiis exsultatiónis laudábit os meum.

Si memor fui tui super stratum meum, in matutinis meditabor in te: * quia fuísti adjútor meus.

Et in velaménto alárum tuárum exsultábo, adhæsít ánima mea post te: * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ: * tradéntur in manus gládií, partes vúlpium erunt.

Rex vero lætábitur in Deo, laudabúntur omnes qui jurant in eo: * quia obstructum est os loquéntium iníqua.

Hic non dicitur Glória Patri.

Psalmus 66.

Deus misereátur nostri, et benedicat nobis: * illúminet vultum suum super nos, et misereátur nostri.

Ut cognoscámus in terram tuam: * in ómnibus Géntibus salutáre tuum.

Confíteántur tibi pópuli Deus: * confíteántur tibi pópuli omnes.

Læténtur et exsúltent Gentes: * quóniam júdicas pópulos in æquitáte, et Gentes in terra dirígis.

Confíteántur tibi pópuli Deus, confíteántur tibi pópuli omnes: * terra dedit fructum suum.

Benedicat nos Deus, Deus noster, benedicat nos Deus: * et métuant eum omnes fines terræ.

Ant. Repléti sunt omnes Spíritu Sancto et cœperunt loqui, allelúja, allelúja.

Ant. Fontes, et ómnia quæ movéntur in aquis, hymnum dicite Deo, allelúja.

Canticum trium puerorum.
Danielis 3. e.

Benedicite ómnia ópera Dómini Dómino: * laudáte et superexaltáte eum in sæcula.

Benedicite Angeli Dómini Dómino: * benedicite cœli Dómino.

Benedicite aquæ omnes, quæ super cœlos sunt, Dómino: * benedicite omnes virtútes Dómini Dómino.

Benedicite sol et luna Dómino: * benedicite stellæ cœli Dómino.

Benedicite omnis imber et ros Dómino: * bene-

dicite omnes spíritus Dei Dómino.

Benedicite ignis et æstus Dómino: * benedicite frigus et æstus Dómino.

Benedicite rores et pruina Dómino: * benedicite gelu et frigus Dómino.

Benedicite glácies et nives Dómino: * benedicite noctes et dies Dómino.

Benedicite lux et tenebræ Dómino: * benedicite fúlgura et nubes Dómino.

Benedicat terra Dómini: * laudet, et superexáltet eum in sæcula.

Benedicite montes et colles Dómino: * benedicite univérsa germinántia in terra Dómino.

Benedicite fontes Dómino: * benedicite mária et flúmina Dómino.

Benedicite cete, et ómnia, quæ movéntur in aquis, Dómino: * benedicite omnes vólucres cœli Dómino.

Benedicite omnes bestię et pécora Dómino: * benedicite filii hóminum Dño.

Benedicat Israël Dómino: * laudet et superexáltet eum in sæcula.

Benedicite sacerdótes Dómini Dómino: * benedicite servi Dómini Dómino.

Benedicite spíritus, et ánime justórum Dómino: * benedicite sancti, et húmiles corde Dómino.

Benedicite Anania, Azaria, Misaël Dómino: * laudáte et superexaltáte eum in sæcula.

Benedicámus Patrem et Fílium cum Sancto Spíritu: * laudémus et superexaltémus eum in sæcula.

Benedíctus es Dómine in firmaménto cœli: * et laudábilis, et gloriósus, et superexaltátus in sæcula.

Hic non dicitur Glória Patri, neque Amen. **Sed in aliis Canticis dicuntur.**

Ant. Fontes, et ómnia quæ movéntur in aquis, hymnum dicite Deo, allelúja.

Ant. Loquebántur váriis linguis Apóstoli magnália Dei, allelúja, allelúja, allelúja.

Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ, et lumen.

Laudáte eum cœli cœlorum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creata sunt.

Státuit ea in ætérnum, et in sæculum sæculi: *

præcéptum pósuit, et non præterbit.

Laudáte Dóminum de terra, * dracones, et omnes abyssi.

Ignis, grando, nix, glacies, spíritus procellarum: * quæ faciunt verbum ejus:

Montes, et omnes colles: * ligna fructifera, et omnes cedri.

Béstiæ, et universa pécora: * serpentes, et volucres pennatæ:

Reges terræ, et omnes pópuli: * principes, et omnes júdices terræ.

Júvenes, et virgines: senes cum junióribus laudent nomen Dómini: * quia exaltátum est nomen ejus solius.

Conféssio ejus super cœlum, et terram: * et exaltávit cornu pópuli sui.

Hymnus ómnibus sanctis ejus: * filiis Israël, pópulo appropinquánti sibi.

Hic non dicitur Glória Patri.

Psalmus 149.

Cantáte Dómino cánticum novum: * laus ejus in ecclesiá sanctórum.

Lætétur Israël in eo, qui fecit eum: * et filii Sion exsúltent in rege suo.

Laudent nomen ejus in choro: * in týmpano, et psaltério psallant ei:

Quia beneplácitum est Dómino in pópulo suo: * et exaltábit mansuétos in salutem.

Exsultábunt sancti in glória: * lætabúntur in cubilibus suis.

Exaltatiónes Dei in gúture eórum: * et gládii ancípites in mánibus eórum:

Ad faciéndam vindictam in natióibus: * increpationes in pópulis.

Ad alligándos reges eórum in compédibus: * et nóbiles eórum in mánicis férreis.

Ut fáciant in eis júdicium conscriptum: * glória hæc est ómnibus sanctis ejus.

Hic non dicitur Glória Patri.

Psalmus 150.

Laudáte Dóminum in sanctis ejus: * laudáte eum in firmaménto virtútis ejus.

Laudáte eum in virtúibus ejus: * laudáte eum secúndum multitudínem magnitúdinis ejus.

Laudáte eum in sono tubæ: * laudáte eum in psaltério et cíthara.

Laudáte eum in týmpano, et choro: * laudáte eum in chordis, et órgano.

Laudáte eum in cýmbalis benesonántibus: laudáte

eum in cýmbalis jubilatiónis: * omnis spíritus laudet Dóminum.

Ant. Loquebántur váriis linguis Apóstoli magnália Dei, allelúja, allelúja, allelúja.

Capitulum. Act. 2.

Cum compleréntur dies Pentecóstes, erant omnes discipuli páriter in eódem loco: et factus est repente de cœlo sonus, tamquam adveniéntis spíritus veheméntis, et replévit totam domum, ubi erant sedéntes.

Hymnus.

Beata nobis gaúdia Anni redúxit órbita, Cum Spíritus Paráclitus Illápsus est Apóstolis.

Ignis vibránte lúmine Linguæ figúram détulit, Verbis ut essent próflui, Et caritaté férvidi.

Linguis loquúntur ómnium, Turbæ pavent Gentílium: Musto madére députant, Quos Spíritus repléverat.

Patrâta sunt hæc mystice,

Paschæ perácto tẽpore, Sacro diérum circulo, Quo lege fit remissio.

Te nunc Deus piissime Vultu precámur cernuo,

Illápsa nobis cœlitus
Largire dona Spíritus.

Dudum sacráta pectora
Tua replésti grátia:
Dímítte nostra crimina,
Et da quietá témpora.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.
Amen.

¶ Repléti sunt omnes
Spíritu Sancto, allel. **R.** Et
cœperunt loqui, allelúja.

Ad Bened. Ant. Accípíte
Spíritum Sanctum: quorum
remisérítis peccáta, remit-
túntur eis, allelúja.

Canticum Zachariae.

Lucæ 1. g.

Benedíctus Dóminus De-
us Israël, * quia visi-
távit, et fecit redempti-
onem plebis suæ:

Et eréxit cornu salutis
nobis: * in domo David
púeri sui.

Sicut locútus est per os
sanctorum, * qui a sæculo
sunt, prophetarum ejus:

Salútem ex inimicis no-
stris, * et de manu omni-
um, qui odérunt nos:

Ad faciendam misericór-
diam cum pátribus nostris:
* et memorári testaménti
sui sancti.

Jusjurándum, quod ju-
rávit ad Abraham patrem

nostrum, * datúrum se
nobis:

Ut sine timóre, de manu
inimicórum nostrórum li-
beráti, * serviámus illi.

In sanctitáte, et justítia
coram ipso, * ómnibus dié-
bus nostris.

Et tu puer, Prophéta Al-
tíssimi vocáberis: * præ-
fíbis enim ante faciém Dó-
mini paráre vias ejus.

Ad dandam sciéntiam sal-
lútis plebi ejus: * in remis-
sióne peccatórum eórum:

Per viscera misericórdiæ
Dei nostri: * in quibus vi-
sitávit nos, óriens ex alto:

Illumináre his, qui in té-
nebris, et in umbra mortis
sedent: * ad dirigéndo pe-
des nostros in viam pacis.

Glória Patri. Sicut erat.

Ant. Accípíte Spíritum
Sanctum: quorum remis-
eritis peccáta, remittúntur
eis, allelúja.

¶ Dóminus vobíscum.
R. Et cum spiritu tuo.

Orémus. Oratio.

Deus, qui hodiérna die
corda fidélium Sancti
Spíritus illustratióne do-
cuísti: da nobis in eódem
Spíritu recta sápere, et de
ejus semper consolatióne
gaudére. Per Dóminum
nostrum Jesum Christum
Fílium tuum: Qui tecum
vivit et regnat in unitáte

ejúsdem Spíritus Sancti
Deus, per ómnia sæcula
sæculórum. **R.** Amen.

¶ Dóminus vobíscum.
R. Et cum spiritu tuo.

¶ Benedicámus Dómi-
no. **R.** Deo grátias.

¶ Fidélium animæ per
misericórdiam Dei requié-
scant in pace. **R.** Amen.

Ad Primam.

Pater noster. **Ave Maria.**
Credo.

Deus in adjutórium. **p.** 21.

Hymnus.

Jam lucis orto sídere
Deum precémur súpli-
ces,

Ut in diúrnis áctibus
Nos servet a nocéntibus.

Linguam refránans tém-
peret,

Ne litis horror ínsonet:
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia:
Carnis terat supérbiam
Potus cibique párcitas.

Ut cum dies abscesserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Et Fílio, qui a mórtuis
Surréxit, ac Paráclito,
In sæculórum sæcula.
Amen.

Ant. Cum compleréntur.

Psalmus 53.

Deus in nómine tuo
salvum me fac: *
et in virtúte tua
júdica me.

Deus exáudi oratióne
meam: * aúribus pércipe
verba oris mei.

Quóniam aliéni insurre-
xérunt advérsum me, et
fortes quæsiérunt animam
meam: * et non proposé-
runt Deum anté conspé-
ctum suum.

Ecce enim Deus ádjuvat
me: * et Dóminus suscé-
ptor est animæ meæ.

Avérte mala inimicis
meis: * et in veritáte tua
dispérde illos.

Voluntárie sacrificábo ti-
bi, * et confitébor nómini
tuo Dómine: quóniam bo-
num est:

Quóniam ex omni tribu-
latiÓne eripuísti me: * et
super inimícos meos de-
spéxit óculus meus.

Psalmus 118.

Beáti immaculáti in via: *
qui ámbulant in lege
Dómini.

Beáti, qui scrutántur te-
stimónia ejus: * in toto
corde exquirunt eum.

Non enim qui operántur
iniquitátem, * in viis ejus
ambulavérunt.

Tu mandásti * mandáta
tua custodiri nimis.

Utinam dirigántur viæ meæ, * ad custodiéndas justificatiónes tuas!

Tunc non confundar, * cum perspéxero in ómnibus mandátis tuis.

Confitébor tibi in directiõe cordis: * in eo quod didici iudicia justitiæ tuæ.

Justificatiónes tuas custodiám: * non me derelinquas usquequáque.

In quo corrigit adolescentiõem tuam? * in custodiéndo sermões tuos.

In toto corde meo exquisivi te: * ne repéllas me a mandátis tuis.

In corde meo abscondi elóquia tua: * ut non peccem tibi.

Benedictus es Dómine: * doce me justificatiónes tuas.

In lábiis meis, * pronuntiavi ómnia iudicia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor: * et considerábo vias tuas.

In justificatióibus tuis meditábor: * non oblitescar sermões tuos.

Retribue servo tuo, vivifica mea: * et custodiám sermões tuos.

Revéla óculos meos: * et considerábo mirabilia de lege tua.

Incola ego sum in terra: * non abscondas a me mandáta tua.

Concupívit ánima mea desideráre justificatiónes tuas, * in omni témpore.

Increpásti supérbos: * maledícti qui declinant a mandátis tuis.

Aufer a me oppróbrium et contéptum: * quia testimónia tua exquisivi.

Etenim sedérunt principes, et advérsus me loquebántur: * servus autem tuus exercebátur in justificatióibus tuis.

Nam et testimónia tua meditatio mea est: * et consiliúm meum justificatiónes tuæ.

Adhæsít paviméto ánima mea: * vivifica me secúndum verbum tuum.

Vias meas enuntiávi, et exaudísti me: * doce me justificatiónes tuas.

Viam justificatiónum tuárum ínstrue me: * et exercébor in mirabilibus tuis.

Dormitávit ánima mea præ tædio: * confirma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * iudicia tua non sum oblítus.

Adhæsi testimoniis tuis, Dñe: * noli me confundere.

Viam mandatorum tuorum cucurri, * cum dilatasti cor meum.

Ant. Cum complerentur dies Pentecostes, erant omnes pariter in eodem loco, allelúja.

Capitulum. 1. Tim. 1. d.

Regi sæculorum immortalis et invisibili, soli Deo honor et gloria in sæcula sæculorum. Amen.

R. Deo grátias.

R. br. Christe Fili Dei vivi, miserere nobis, * Allelúja, allelúja, et repetitur Christe Fili Dei vivi, miserere nobis, allelúja, allelúja. **V.** Qui sedes ad dexteram Patris. **R.** Allelúja, allelúja. **V.** Glória Patri, et Filio, et Spiritui Sancto. **R.** Christe Fili Dei vivi, miserere nobis, allelúja, allelúja.

V. Exsúrge Christe, adjuva nos, allelúja. **R.** Et libera nos propter nomen tuum, allelúja.

V. Dóminus vobiscum.

R. Et cum spiritu tuo.

Orémus. Oratio.

Dómine Deus omnipotens, qui ad princípium hujus diéi nos pervenire fecisti: tua nos hódie salva virtúte; ut in hac die ad nullum declinémus peccá-

tum, sed semper ad tuam justitiam faciendam nostra procedant elóquia, dirigántur cogitatiónes et ópera. Per Dóminum nostrum Jesum Christum Filium tuum: Qui tecum vivit et regnat in unitate Spiritus Sancti Deus, per ómnia sæcula sæculorum. **R.** Amen.

V. Dóminus vobiscum.

R. Et cum spiritu tuo.

V. Benedicámus Dómino.

R. Deo grátias.

Deinde in Choro legitur Martyrologium.

Postea Hebdomadarius dicitur.

V. Pretiósia in conspéctu Dómini. **R.** Mors sanctórum ejus.

Et absolute sine Orémus:

Oratio.

Sancta María, et omnes Sancti intercédant pro nobis ad Dóminum: ut nos mereámur ab eo adjuvâri et salvâri, qui vivit et regnat in sæcula sæculorum. **R.** Amen.

V. Deus in adiutorium meum inténde. **R.** Dómine ad adjuvandum me festína.

Et dicitur ter; ultimo additur:

V. Glória Patri, et Filio, et Spiritui Sancto. **R.** Sicut erat in principio, et nunc, et semper, et in sæcula sæculorum. Amen.

Kýrie eléison. Christe eléison. Kýrie eléison.

Pater noster. secreto.
 V. Et ne nos inducas in tentationem. R. Sed libera nos a malo.

V. Respice in servos tuos Domine, et in opera tua, et dirige filios eorum.

R. Et sit splendor Domini Dei nostri super nos, et opera manuum nostrarum dirige super nos, et opus manuum nostrarum dirige.

V. Gloria Patri, et Filio, et Spiritui Sancto. R. Sicut erat in principio, et nunc, et semper, et in secula seculorum. Amen.

Orémus. **Oratio.**

Dirigere et sanctificare, regere et gubernare, dirigere, Domine Deus Rex caeli et terrae, hodie corda et corpora nostra, sensus, sermones et actus nostros in lege tua, et in operibus mandatorum tuorum: ut hic, et in aeternum, te auxiliante salvi et liberi esse mereamur, Salvator mundi: Qui vivis et regnas in secula seculorum. R. Amen.

V. Jube domne benedicere.

Bened. Dies et actus nostros in sua pace disponat Dominus omnipotens.

R. Amen.

Lect. brev. Act. 2. b.

Judaei quoque, et Proselyti, Cretes, et Arabes: audivimus eos loquentes

nostris linguis magna lingua Dei. Tu autem Domine, miserere nobis. R. Deo gratias.

V. Adjutorium nostrum in nomine Domini. R. Qui fecit caelum et terram.

V. Benedicite. R. Deus.

Bened. Dominus nos benedicat, et ab omni malo defendat, et ad vitam perducat aeternam: et fidelium animae per misericordiam Dei requiescant in pace. R. Amen.

~~~~~  
**Ad Tertiam.**

**Pater noster. Ave, Maria.**

**Deus in adjutorium. p. 21.**

**Hymnus.**

**V**eni Creator Spiritus, Mentis tuorum visita, Imple superna gratia, Quae tu creasti pectora.

Qui diceris Paraclitus, Altissimi donum Dei, Fons vivus, ignis, caritas, Et spiritalis unctio.

Tu septiformis munere, Digitus paternae dexteræ, Tu rite promissum Patris, Sermone ditans guttura.

**Accende lumen sensibus:**

Infunde amorem cordibus: Infirma nostri corporis Virtute firmans perpeti.

Hostem repellas longius, Pacemque dones protinus: Ductore sic te praevio Vitemus omne noxium.

Per te sciamus da Patrem,

Noscamus atque Filium, Teque utriusque Spiritum Credamus omni tempore.

Deo Patri sit gloria, Et Filio, qui a mortuis Surrexit, ac Paraclito, In saeculorum saecula.

Amen.

**Ant. Spiritus Domini.**

**Psalms.**

**L**egem pone mihi Domine viam justificationum tuarum: \* et exquiram eam semper.

Da mihi intellectum, et scrutabor legem tuam: \* et custodiam illam in toto corde meo.

Deduc me in semitam mandatorum tuorum: \* quia ipsam volui.

Inclina cor meum in testimonia tua: \* et non in avaritiam.

Averte oculos meos ne videant vanitatem: \* in via tua vivifica me.

Statue servo tuo eloquium tuum, \* in timore tuo.

Amputa opprobrium meum quod suspicatus sum: \* quia judicia tua jucunda.

Ecce concupivi mandata

tua: \* in aequitate tua vivifica me.

Et veniat super me misericordia tua Domine: \* salutare tuum secundum eloquium tuum.

Et respondebo exprobrantibus mihi verbum: \* quia speravi in sermonibus tuis.

Et ne auferas de ore meo verbum veritatis usquequaque: \* quia in judiciis tuis disperseravi.

Et custodiam legem tuam semper: \* in saeculum et in saeculum saeculi.

Et ambulabam in latitudine: \* quia mandata tua exquisivi.

Et loquebar in testimoniis tuis in conspectu regum: \* et non confundebam.

Et meditabar in mandatis tuis, \* quae dilexi.

Et levavi manus meas ad mandata tua, quae dilexi: \* et exercébar in justificationibus tuis.

**M**emor esto verbi tui servo tuo, \* in quo mihi spem dedisti.

Haec me consolata est in humilitate mea: \* quia eloquium tuum vivificavit me.

Superbi inique agebant usquequaque: \* a lege autem tua non declinavi.

Memor fui iudiciorum tuorum a seculo Domine: \* et consolatus sum.

Defectio tenuit me, \* pro peccatoribus derelinquentibus legem tuam.

Cantabiles mihi erant justificationes tuae, \* in loco peregrinationis meae.

Memor fui nocte nominis tui Domine: \* et custodivi legem tuam.

Haec facta est mihi: \* quia justificationes tuas exquisivi.

Portio mea Domine, \* dixi custodire legem tuam.

Deprecatus sum faciem tuam in toto corde meo: \* miserere mei secundum eloquium tuum.

Cogitavi vias meas: \* et converti pedes meos in testimonia tua.

Paratus sum, et non sum turbatus: \* ut custodiam mandata tua.

Funes peccatorum circumplexi sunt me: \* et legem tuam non sum oblitus.

Media nocte surgēbam ad confitendum tibi, \* super iudicia justificationis tuae.

Particeps ego sum omnium timentium te: \* et custodiēntium mandata tua.

Misericordia tua Domine plena est terra: \* justificationes tuas doce me.

**B**onitatem fecisti cum seruo tuo Domine, \* secundum verbum tuum.

Bonitatem, et disciplinam, et scientiam doce me: \* quia mandatis tuis credidi.

Priusquam humiliarer ego deliqui: \* propterea eloquium tuum custodivi.

Bonus es tu: \* et in bonitate tua doce me justificationes tuas.

Multiplicata est super me iniquitas superborum: \* ego autem in toto corde meo scrutabor mandata tua.

Coagulatum est sicut lac cor eorum: \* ego vero legem tuam meditatus sum.

Bonum mihi quia humiliasti me: \* ut discam justificationes tuas.

Bonum mihi lex oris tui, \* super millia auri et argenti.

Manus tuae fecerunt me, et plasmaverunt me: \* da mihi intellectum, et discam mandata tua.

Qui timent te videbunt me, et laetabuntur: \* quia in verba tua supersperavi.

Cognovi Domine quia aequitas iudicia tua: \* et in veritate tua humiliasti me.

Fiat misericordia tua ut consoletur me, \* secundum eloquium tuum servo tuo.

Veniant mihi miserationes tuae, et vivam: \* quia lex tua meditatio mea est.

Confundantur superbi, quia iniuste iniquitatem fecerunt in me: \* ego autem tuis exercēbor in mandatis tuis.

Convertantur mihi timentes te: \* et qui novērunt testimonia tua.

Fiat cor meum immaculatum in justificationibus tuis, \* ut non confundar.

**Ant.** Spiritus Domini replēvit orbem terrarum, allelūja.

**Capitulum. Act. 2.**

**C**um complerentur dies Pentecostes, erant omnes discipuli pariter in eodem loco: et factus est repente de caelo sonus, tamquam advenientis spiritus vehementis, et replēvit totam domum, ubi erant sedentes. **R.** Deo gratias.

**R. br.** Spiritus Domini replēvit orbem terrarum, Allelūja, allelūja. Spiritus Domini replēvit orbem terrarum, allelūja, allelūja. **V.** Et hoc quod continet omnia, scientiam habet vocis. Allelūja, allelūja. Gloria Patri, et Filio, et Spiritui Sancto. Spiritus Domini replēvit orbem terrarum, allelūja, allelūja.

**V.** Spiritus Paraclitus, allelūja. **R.** Docēbit vos omnia, allelūja.

**V.** Dominus vobiscum. **R.** Et cum spiritu tuo.

**Orēmus. Oratio.**

**D**eus, qui hodierna die corda fidelium Sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere. Per Dominum nostrum Jesum Christum Filium tuum: Qui tecum vivit et regnat in unitate ejusdem Spiritus Sancti Deus, per omnia saecula saeculorum. **R.** Amen.

**V.** Dominus vobiscum. **R.** Et cum spiritu tuo.

**V.** Benedicamus Domino. **R.** Deo gratias.

**V.** Fidelium animae per misericordiam Dei requiescant in pace. **R.** Amen.

**Ad Missam.**

Statio ad Sanctum Petrum.

**Introitus. Sap. 1.**

**S**piritus Domini replēvit orbem terrarum, allelūja: et hoc, quod continet omnia, scientiam habet vocis, allelūja, allelūja, allelūja. **Ps. 67.** Exsurgat Deus, et dissipentur inimici ejus: et fugiant, qui odērunt eum, a facie ejus.

¶ Glória Patri, et Filio, et Spirítui Sancto. Sicut erat in principio, et nunc, et semper, et in sæcula sæculórum. Amen. Spíritus Dómini. **ut supra.**

Orémus. **Oratio.**

**D**eus, qui hodierna die corda fidélium Sancti Spíritus illustratióne docuisti: da nobis in eódem Spíritu recta sápere; et de ejus semper consolatióne gaudere. Per Dóminum nostrum Jesum Christum Filium tuum: Qui tecum vivit et regnat in unitate ejusdem Spíritus Sancti Deus, per ómnia sæcula sæculórum. **R.** Amen.

Lectio Actuum Apostolórum. **Act. 2.**

**C**um compleréntur dies Pentecóstes, erant omnes discipuli páriter in eódem loco: et factus est repente de cælo sonus, tamquam adveniéntis spíritus vehementis, et replévit totam domum ubi erant sedéntes. Et apparuerunt illis dispersitæ linguæ tamquam ignis, sedítque supra singulos eórum: et repléti sunt omnes Spíritu Sancto, et cœperunt loqui váriis linguis, prout Spíritus Sanctus dabat eloqui illis. Erant autem in Jerúsalem habitántes Judæi, viri religiósi ex omni

nação, quæ sub cælo est. Facta autem hac voce, convenit multitúdo, et mente confusa est, quóniam audiebat unusquisque lingua sua illos loquéntes. Stupébant autem omnes, et mirabántur, dicéntes: Nonne ecce omnes isti, qui loquúntur, Galilæi sunt? Et quómodo nos audívimus unusquisque linguam nostram, in qua nati sumus? Parthi, et Medi, et Ælamítæ, et qui hábitant Mesopotámiam, Judæam, et Cappadóciam, Pontum, et Asiam, Phrygiam, et Pamphýliam, Ægyptum, et partes Libyæ, quæ est circa Cyréne, et advenæ Románi, Judæi quoque, et Prosélyti, Crètes, et Arabes: audívimus eos loquéntes nostris linguis magnália Dei.

Allelúja, allelúja.

¶ Ps. 103. Emitte Spíritum tuum, et creabúntur: et renovábis faciém terræ. Allelúja.

**Hic genuflectitur. ¶.** Veni, Sancte Spíritus, reple tuórum corda fidélium: et tui amoris in eis ignem accende.

**Sequentia.**

**V**eni Sancte Spíritus, et emitte cœlitus lucis tuæ rádium.

Veni pater paúperum, veni dator múnorum, veni lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númine, nihil est in hómine, nihil est innóxium.

Lava quod est sórdidum, riga quod est áridum, sana quod est saúcium.

Flecte quod est rígidum, fove quod est frígidum, rege quod est devium.

Da tuis fidélibus, in te confidentibus, sacrum septenárium.

Da virtútis méritum, da salutis éxítum, da perénne gáudium. Amen. Allelúja.

**Et dicitur quotidie usque ad seq. Sabbatum inclus.**

† Sequéntia sancti Evangelii secúndum Joánnem.

Joan. 14. c.

**I**n illo témpore: Dixit Jesus discipulis suis: Si quis diligit me, sermónem meum servábit, et Pater meus diliget eum, et ad

eum veniémus, et mansiónem apud eum faciémus: qui non diligit me, sermónes meos non servat. Et sermónem quem audistis, non est meus; sed ejus, qui misit me, Patris. Hæc locútus sum vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docebit ómnia, et súgget vobis ómnia, quæcúmque dixero vobis. Pacem relinquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formidet. Audistis quia ego dixi vobis: Vado, et venio ad vos. Si diligerétis me, gauderétis útique, quia vado ad Patrem; quia Pater major me est. Et nunc dixi vobis priúsquam fiat: ut cum factum fúerit, credátis. Jam non multa loquar vobiscum. Venit enim princeps mundi hujus, et in me non habet quidquam. Sed ut cognóscat mundus, quia diligo Patrem, et sicut mandátum dedit mihi Pater, sic fácio. **Credo.**

**Offertorium. Ps. 67.** Confirma hoc Deus, quod operátus es in nobis: a templo tuo quod est in Jerúsalem, tibi offerent reges múnera, allelúja.

## Secreta.

**M**únera, quæsumus Dómine, oblata sanctifica: et corda nostra Sancti Spiritus illustratióne emúnda. Per Dóminum . . . in unitate ejúsdem Spiritus Sancti Deus.

**Communio. Act. 2.** Factus est repente de celo sonus, tamquam adveniéntis spiritus veheméntis, ubi erant sedéntes, allelúja: et repléti sunt omnes Spiritu Sancto, loquéntes magnalia Dei, allelúja, allelúja.

## Postcommunio.

**S**ancti Spiritus, Dómine, corda nostra mundet infúsió, et sui roris íntima aspersione fœcúndet. Per Dóminum nostrum Jesum Christum Filium tuum: Qui tecum vivit et regnat in unitate ejúsdem Spiritus Sancti Deus, per ómnia sæcula sæculórum. **R.** Amen.

## Ad Sextam.

**Pater noster. Ave María.**

**V.** Deus in adiutorium meum inténde. **R.** Dómine, ad adiuvándum me festína. **G**lória Patri, et Filio, et Spiritui Sancto. Sicut erat in principio, et nunc, et semper, et in sæcula sæculórum. Amen. Allelúja.

## Hymnus.

**R**ector potens, verax Deus,

Qui témporas rerum vices, Splendóre mane illúminas, Et ignibus merídiem:

Exstingue flamas litium, Aufer calórem nóxium, Confer salútem córporum, Verámque pacem córdium.

Deo Patri sit glória, Et Filio qui a mórtuis Surréxit, ac Paráclito, In sæculórum sæcula.

Amen.

**Ant.** Repléti sunt omnes.

## Psalmus.

**D**efecit in salutáre tuum ánima mea: \* et in verbum tuum supersperávi.

Defecerunt óculi mei in elóquium tuum, \* dicéntes: Quando consoláberis me?

Quia factus sum sicut uter in pruina: \* justificatiónes tuas non sum oblítus.

Quot sunt dies servi tui? \* quando fácies de persecúentibus me iudícium?

Narravérunt mihi iniqui fabulatiónes: \* sed non ut lex tua.

Omnia mandata tua véritas: \* inique persecúti sunt me, ádjuva me.

Paulo minus consummavérunt me in terra: \* ego autem non dereliqui mandata tua.

Secúndum misericórdiam tuam vivifica me: \* et custódiám testimónia oris tui.

In ætérnum Dómine, \* verbum tuum pérmanet in celo.

In generatiónem et generatiónem véritas tua: \* fundásti terram, et pérmanet.

Ordinatióne tua perseverat dies: \* quóniam ómnia sérviant tibi.

Nisi quod lex tua meditatio mea est: \* tunc forte periíssem in humilitate mea.

In ætérnum non obliviscar justificatiónes tuas: \* quia in ipsis vivificásti me.

Tuus sum ego, salvum me fac: \* quóniam justificatiónes tuas exquisívi.

Me exspectavérunt peccatóres ut pérderent me: \* testimónia tua intelléxi.

Omnis consummationis vidi finem: \* latum mandatum tuum nimis.

**Q**uómodo diléxi legem tuam Dómine: \* tota die meditatio mea est.

Super inimicos meos prudentem me fecísti mandato tuo: \* quia in ætérnum mihi est.

Super omnes docéntes me intelléxi: \* quia testimónia tua meditatio mea est.

Super senes intelléxi: \* quia mandata tua quæsívi.

Ab omni via mala prohibui pedes meos: \* ut custódiám verba tua.

A iudiciis tuis non declinávi: \* quia tu legem posuísti mihi.

Quam dúlcia faucibus meis elóquia tua, \* super mel ori meo!

A mandatis tuis intelléxi: \* propterea odívi omnem viam iniquitatis.

Lucérna pèdibus meis verbum tuum, \* et lumen sémitis meis.

Jurávi, et státui \* custodire iudicia justitiæ tuæ.

Humiliátus sum usquequaque Dómine: \* vivifica me secúndum verbum tuum.

Voluntária oris mei beneplácita fac Dómine: \* et iudicia tua doce me.

Anima mea in manibus meis semper: \* et legem tuam non sum oblítus.

Posuérunt peccatóres láqueum mihi: \* et de mandatis tuis non errávi.

Hæreditate acquisívi testimónia tua in ætérnum: \* quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, \* propter retributiónem.

**I**niquos odio hábui: \* et legem tuam diléxi.



Adjutor et susceptor meus es tu: \* et in verbum tuum supersperavi.

Declinata a me maligni: \* et scrutabor mandata Dei mei.

Suscipe me secundum eloquium tuum, et vivam: \* et non confundas me ab expectatione mea.

Adjuva me, et salvus ero: \* et meditabor in justificationibus tuis semper.

Sprevisti omnes discidentes a iudiciis tuis: \* quia injusta cogitatio eorum.

Prævaricantes reputavi omnes peccatores terræ: \* ideo dilexi testimonia tua.

Confige timore tuo carnes meas: \* a iudiciis enim tuis timui.

Feci iudicium et justitiam: \* non tradas me calumniantibus me.

Suscipe servum tuum in bonum: \* non calumniatur me superbi.

Oculi mei defecerunt in salutare tuum: \* et in eloquium justitiæ tuæ.

Fac cum servo tuo secundum misericordiam tuam: \* et justificationes tuas doce me.

Servus tuus sum ego: \* da mihi intellectum, ut sciam testimonia tua.

Tempus faciendi Domine: \* dissipaverunt legem tuam.

Ideo dilexi mandata tua, \* super aurum et topazion.

Propterea ad omnia mandata tua dirigebam: \* omnem viam iniquam odio habui.

**Ant.** Repleti sunt omnes Spiritu Sancto, et cooperunt loqui, allelúja, allelúja.

**Capitulum. Act. 2. f.**

**F**acta autem hac voce, convenit multitudo, et mente confusa est, quoniam audiebat unusquisque lingua sua illos loquentes.

**R. br.** Spiritus Paraclitus, \* Allelúja, allelúja. Spiritus Paraclitus, allelúja, allelúja. **V.** Docébit vos omnia. Allelúja, allelúja. **Gloria Patri, et Filio, et Spiritui Sancto. Spiritus Paraclitus, allelúja, allelúja.**

**V.** Repleti sunt omnes Spiritu Sancto, allelúja. **R.** Et cooperunt loqui, allelúja.

**V.** Dominus vobiscum. **R.** Et cum spiritu tuo.

**Orémus. Oratio.**

**D**eus, qui hodierna die corda fidelium Sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere. Per Dominum nostrum Jesum Christum Filium tuum: Qui tecum vivit et regnat in unitate ejusdem Spiritus Sancti

Deus, per omnia sæcula sæculorum. **R.** Amen.

**V.** Dominus vobiscum.

**R.** Et cum spiritu tuo.

**V.** Benedicamus Domino. **R.** Deo grátias.

**V.** Fidelium animæ per misericordiam Dei requiescant in pace. **R.** Amen.

**Ad Nonam.**

**Pater noster. Ave Maria. Deus in adiutorium. 5.**

**Hymnus.**

**R**erum Deus tenax vigor, Immotus in te permanens,

Lucis diurnæ tempora Succëssibus determinans:

Largire lumen vespere, Quo vita nusquam decídat, Sed præmium mortis sacræ Perennis instet glória.

Deo Patri sit glória, Et Filio, qui a mortuis Surrexit, ac Paraclito, In sæculorum sæcula.

Amen.

**Ant.** Loquebantur.

**Psalmus.**

**M**irabilia testimonia tua: \* ideo scrutata est ea anima mea.

Declaratio sermonum tuorum illuminat: \* et intellectum dat parvulis.

Os meum aperui, et atraxi spiritum: \* quia mandata tua desiderabam.

Aspice in me, et miserere mei, \* secundum iudicium diligentium nomen tuum.

Gressus meos dirige secundum eloquium tuum: \* et non dominetur mei omnis injustitia.

Redime me a calumniis hominum: \* ut custodiam mandata tua.

Faciem tuam illumina super servum tuum: \* et doce me justificationes tuas.

Exitus aquarum deduxerunt oculi mei: \* quia non custodiérunt legem tuam.

Justus es Domine: \* et rectum iudicium tuum.

Mandasti justitiam testimonia tua: \* et veritatem tuam nimis.

Tabescere me fecit zelus meus: \* quia obliti sunt verba tua inimici mei.

Ignitum eloquium tuum vehementer: \* et servus tuus dilexit illud.

Adolescéntulus sum ego et contemptus: \* justificationes tuas non sum oblitus.

Justitia tua, justitia in ætérnum: \* et lex tua veritas.

Tribulatio, et angustia inveniérunt me: \* mandata tua meditatio mea est.

Æquitas testimonia tua in ætérnum: \* intellectum da mihi, et vivam.